

## Īspūdis

Lītos nopluovē Vītauta doubieta gatvē.  
Saulē nošloustē anou akénontio abrūso.  
Akis prēmerkēs, veiziejaus i pēitu posē.  
Skoudē staigē sožīdiejē Parīžiaus dongos.

Sera Jurgis nosēleida līg cīroliaus plunksnelē  
Ēš televēzējēs – „Eifelē“ buokšta aukštomū,  
Eidams linkou cētra, paspaudē ronka  
Ēš Maksimas ēštrūkosem Sezanou Pauliou.

Pri latviu bažnītelēs šuona prēsēglaudēs  
Van Guogs Vēncē gluostē sauliegroužu žēidus.  
Vuo mietsa parkē ont žuolies besēvaluodams,  
Monē Kluods so plēka merga pruvējē posrītius...

Tou pati akimirksni atsēvierē dongaus vartā,  
Tarpovartie ēšnērēs, 4 D formato Mēkaluojos  
Paruodē mums sapnūs ēšausta Karaliū pāsaka,  
Vuo Konstantins pagrajējē simpuonējē aple jūra.

Kor svēido ciekauni sāva žvilgsni, tēn fantazējē  
Presoun i spalvuota krūva naujus Īspūdius.  
Vuos spiejo vēsus sosliegtē pu dūšēs preso...  
Je dīvū šiū nepastēbi to, vadēnas, ēsi neēšmēiguojēs.